

Sefer Halilovic: Narod se boji, vlast mora odgovoriti na ključna pitanja



“Nemam nikakvih dvojbi da se, trenutno, protiv BiH vodi specijalni rat: nema segmenta društva koji se ne prokazuje kao kriminaliziran, nema činjenice oko koje postoji konsenzus, nema pojedinca iz javnog života koji nije sataniziran, nitivisokoranfiranog oficira ARBiH koji nije optuzen za, navodni, ratni zlocin. Sve to se radi kako bi se BiH pokazala nesposobnom za samostalni opstanak i kao zemlja kojoj treba vanjski tutor, a da oni koji bi je branili odustanu i od zadnje pomisli na to, jer logika koja se, iz ovih svih procesa koji se vode protiv BiH, nameće jeste: bolje završiti kao gastarbajter u Svedskoj nego kao optuzenik na Hagu. BiH se sve više napada, ali je očito sve manje onih kojima je to posao da je brane” porucio je predsjednik BPS-a g.Sefer Halilovic u svom otvorenom pismu u kojem se, nadalje, kaže:

“S tim u vezi postavljam sljedeća dva pitanja, za vladajuću koaliciju u BiH/FBiH, koja su istinski važna za BiH a javnost na njih još uvijek nema odgovore. Prvo, da li je formiran Tim stručnjaka za obnovu Tuzbe BiH protiv Srbije za agresiju i genocid, budući da krajem februara 2017, istice posljednji rok za njeno obnavljanje?! Od izricanja Presude do danas skupilo se dovoljno novih i dobrih dokaza, proteklo je sasvim dovoljno vremena za analizu presude, angazovanje pravih stručnjaka koji znaju raditi takve poslove, a vasa je odgovornost bila da okupite kvalitetan i kvalifikovan Tim ljudi koji će dokaze znati prezentirati. Kao patriota ove

zemlje zelim Vas upozoriti da cete, ukoliko se Tuzba protiv Srbije ne obnovi, snositi historijsku odgovornost pred buducim pokoljenjima zato sto za, deset godina nakon prvostepene presude, niste uradili nista da bi se odgovorni za agresiju i genocid izveli pred lice pravde. Odgovornost je i na dijelu vlasti koja je bila u prethodnom mandatu a koja je uopste nije bavila ovim, prvorazrednim drzavnim pitanjem. Odgovornost ce, takodjer, ostati i zbog nematerijalne stete, koju cete prouzrokovati necinjenjem, a koja nosi poruku da Bosnjaci i Hrvati mogu biti mirno klani, jer pocinioce nece goniti niko” porucuje predsjednik BPS-a u svom saopcenju za javnost koje je odaslano medijima te u nastavku kaze:

“Drugo pitanje koje unosi nemir medju gradjane BiH jeste zasto cutke prelazite preko disbalansa u naoruzanju koji postoji izmedju BiH, Hrvatske i Srbije?! Dejtonski mirovni sporazum u Aneksu “Sporazum o regionalnoj stabilizaciji”, u clanu pod nazivom “Sporazum o subregionalnoj kontroli naoruzanja” definira da naoruzanje treba da se, izmedju ostalog, zasniva na: velicini populacije, vojnim oruzanim efektivima, odbrambenim potrebama i nivou snaga u regionu, pri cemu su definirana ogranicenja za svaku zemlju, kao i srazmjera naoruzanja izmedju Federacije i Republike Srpske. Danas su vojni efektivu u potpunoj nesrazmjeri u odnosu na medjunarodno preuzete obaveze, svoje vojne efektivne Bosna i Hercegovina je visestruko smanjila u odnosu na potpisani Sporazum, a Federacija je jedini dio teritorije u regionu koji je potpuno demilitarizovan! BiH prema Sporazumu treba imati naoruzanje koje je ekvivalent Hrvatskom, medjutim, Hrvatska ima vazduhoplovstvo, borbene avione i borbene helikoptere sto BiH nema. Osim toga u Hrvatskoj su novoformirane policijske snage ustrojene i naoruzane kao vojne formacije.

Srbija je povecala kvantum naoruzanja, o cemu svjedoci zadnja isporuka koju je preuzela, te posjeduje: avione, helikoptere, tenkove, oklopna borbena vozila i ostalo – BiH ovo nema. Pod firmom policijskih formacija Srbija je ustrojila jedinice po klasicnoj vojnoj formaciji, a i Republika Srpska je u okviru policije formirala slicne jedinice i naoruzava ih. Nedavna “policijska” vjezba na granici BiH i Srbije, uz ucesce zandarmerije Srbije i policije Republike Srpske, pokazala je da je to bila predstava dvije vojske te da njihova poruka nije bila da pokazu “sopstvenu obucenost” vec da pokazu oruzje nama koji ga nemamo.

U situaciji kada antiislamske tendencije jacaju u Evropi i svijetu, ali i u BiH, desnicari preuzimaju vlast u blizem i daljem okruzenju te otvoreno pokazuju neprijateljstvo prema BiH, te kada je poslije referenduma u RS vec svima jasno da ono sto se zove medjunarodna zajednica, nece ni

prstom mrdnuti ma koji scenario se postavi pred BiH, gospodo iz vladajuće koalicije na nivou BiH i Federacije BiH, mozda vam neko treba reci, da se narod boji okolnog naoruzavanja, nedostatka pravde, nekaznjavanja genocida i agresije te da Vi, kao vlast, trebati narodu dati odgovore na, makar, ova dva pitanja koja su strateskog karaktera i mogu imati, ako ostanu neodgovorena ili bez reakcije, duboke, kolosalne posljedice po Bosnu i Hercegovinu jer narod BiH se uplasio za svoj opstanak na svojoj zemlji" stoji u Halilovicovom pismu upucenom vladajucoj koaliciji ali i bh.javnosti.